

ki-kí-kiskithitin na?

• óma mawaci ka-ispak withasiwíwin nistam ka-kí-apíck ápihtá-piponi-písim mitátaht-típakohposap ká-akimit, 1876 ká-askiwák, maka isa namotha isa kakwíhikímowina kí-itakona ta-nitohtakwaw. óma athíki-písim íkota ká-askiwák, ikospíhk nistam ka-kí-nitohtakwaw píkwatitowin. kí-ápi-wak piyakospathow óma pináwíwi-písim íkwa kí-níci-wípinamwak nisto kakwíhikímowina. óma kitvam ápitá-piponi-písim, kí-máci apiwak tapitaw í-kí-móskini-masihamawak otatoskiwináwáw.

• óma kispin kihci-okimawiskwíw otatoskithákana nakataskithíci, íka nanitawi-atoskithít, ahpo isa ta-sipwítit óta ohci kanata aski awasímís piyak písim, awa onikániwi-othasiwíwiníw ahpo isa akaci, íka íkota awínak apic, awa oskayi-othasiwíwiníw kinwís íkota ka-apit óma mawaci ka-ispak withasiwíwiníhk, witha óma ta-opaminikíw óta kanata íkwa ta-pimipathitaw kakithaw atoskíwina óma kihci-okimawiskwíw otatoskithákana ka-kí-itohak.

• otatoskithákan óma okimawin ka-níkánapicik nawasoníw óki owithasiwíwina. íkota ta-kí-ápiwak isko típakohp-mitánaw mína niyánosap ka-ispítisi-piponíck.

• awa kíhkíhta-asiniy withasiwíwikamikohk ka-apit í-masinasot ispi óma nistam ka-kí-athít kí-ká-nísitanaw ka-akimit awa sákipakáwi-písim, 1939 ka-askiwák, íkwa awa isa ka-kí-nahíthat kihci-okimaw George níkotwasosan (VI). maka isa witha awa kihci-okimaw-iskwíw ílisapat (Elizabeth) ka-kí-nahíthat óhi kíhkíhta-asiniya í-kiniwápit awa kihci-okimaw, o-wíkímakana, óma nísitanaw ka-akimit awa sákipakáwi-písim, 1939 ka-askiwák.

• íkota níso óhi wíwípasti-kiskiwíhonáhtikwa cimatiwa óma atí-níkáni-pitikwíwin mawaci-ka-ispak withasiwíwiníkamik. óma kitaskinaw kanata wíwípastikan ótí isi pakisimonahk íthki ispakípitamwak tahto-kísikáw. anima kotak wíwípastikan pima-kotíw ispih mana pohko ka-othasiwániwák.

• níso óki asiniwíhikanak mitátaht misit (3 meters) ispakapowicik íkota kí-cimithawak tahkoskíwiníhk óma mawaci ka-ispak withasiwíwikamikohk. óhi atoskíwina ohci 1920's ka-askiwák kí-osihawak íkota ta-kikithíck óma ímisahk kiskisitotáht kihci-okimaw Edward típakohposan íkwa astásowikamikohk kí-athawak isko ta-kisihíck. óma kiskisitotáhtowan kihci-okimaw Edward típakohposan namwac isa kí-kísítaniwan. awa ka-nahiosicikíw Walter S. Allward ka-kí-máci-siyat, JUSTICIA (kwayask itotatowin) íkwa VERITAS (tápiwin), kí-wanikiskitotawáwak mitoni niyánanomitánaw pipona. óma 1969 ka-askiwák kí-miskawáwak isa omistikowatikana atamiskanak ita otápanáskwák ka-kipíckicik. kí-cimasowak ita óma anohc ka-nipawíck 1970 ka-askiwák ohci.



tánití ta-isi pikiskwíhin kispin kí-nohtí kiyokan óma mawaci ka-ispak withasiwíwikamik

óta mámawi-natoníki-masinahikanipiciki:
www.scc-csc.gc.ca

NÁNANTAW ISI NOHTÍ-KAKWÍCKIMOWIN masinahimátowipiciki:
reception@scc-csc.gc.ca

wí-siwípicikinín:
(613) 995-4330
1-888-551-1185

masinahamátowina anita ka-itisáhama
The Supreme Court of Canada
301 Wellington Street
Ottawa, Ontario K1A 0J1

NI-TA-WÍ-WÁPATAMANIN AHPO KWAYATASCÍKÍNIN ACIMOWIN masinahimátowipiciki:
tour@scc-csc.gc.ca

wí-siwípicikinín:
(613) 995-5361
1-866-360-1522

mawaci ka-ispak withasiwíwin óta kanata





kayas acimowin

Íkosipik 1875 ka-askiwák óki omámawapiniwák kí-mámawi-komatowak ta-opinakwáw óma mawaci-ka-ispak othasiwiwinahk óta kanata askihk, ta-nanitaw-kakwícihikimowi-othasiwíkamik maka isa mína misikam-aski othasiwíwitaht. mitoni micitaw-pipon, ka-othasiwicik óma withasiwíwin ta-kí-ahci-wátaciatíw ótí óki akamaskihk ka-kihci-mámawapicik okimanahk othasiwíwicik. óma típithitamowin ta-ahci-wápacikatik othasiwíwin kí-ponítawak ispi mana ka-kiniwápatawkwáw mathitotamowin ikospihk 1933 ka-askiwák íkwa mína kotaki withasiwi-kiniwápacikiwina óma 1949 ka-askiwák. anohc íkwa óma withasiwíwíkamik óta kanata aski íyako isa pohko íkwa mawaci-othasiwíwin ka-itakwák. óma withasiwíwíkamik íkota isa ka-macitaníwák óki ka-otapicik awa oníkáníw othasiwíwin íkwa asici niyánan oskayi-othasiwíniwak ahpó óki ka-witatoskí-withasiwíniwak. óma 1927 ka-askiwák kí-thakipiwak óki othasiwíniwak típakohp isa íkwa óma 1949 ka-askiwák, íkospihk ka-poní-ahci-wápacikatik othasiwíwin ótí akamaskihk isi, kíká-mitátaht íkwa ka-api-cik íkota anohciki.

othasiwíwinihk ohci típítha nisto withasiwíniwak pohko ta-nawasonicik óta Quebec ká-piskihtahtásk. óma aniskimotohtatowin, nisto withasiwíniwak nawasonawak óta ontario ká-piskihtahtásk, niso ótí óhi pakisimonak piskihtahtáskikwa íkwa piyak ótí ohci sakastínak ka-otakítíki piskihtahtáskikwa.

othasiwíwiniwak kí-nitotamwak kakwícihikimowina acithiwís óma kí-sí-ayimiwiniw kayatí piskíc-ayamicikíwíkamik íkwa atinaway kotaki piskíciwíkamikwa ka-nitatámocik kihci-mámawi-api-wíkamik (parliament) ohci. óma 1882 ka-askiwák withasiwíwin kí-ahci-pitamwak ótí isi kotak washihikan cipasis kihci-mámawi-api-wíkamikohk (parliament) thasamitinahk, maka isa aspin kí-kawinikatiw. kí-máci-osihtawak 1939 ka-askiwák óma anohc washahikan, maka isa namwac kí-pitikwaniwíwak patíma 1946 ka-askiwák

óma mawaci ka-ispak withasiwíwin washahikan, íkwa óma míwac aniskotamawiy isi í-kiskiníwacitaníwák, awa kwayask í-kiskíthimit Ernest Cormier washahikani-masina-osičíkiw montreal ohci ká-kí-masinastat. í-cimatíhk pakisimonahk íthki kihci-mámawi-api-wíkamikwa ka-ayaki takomicinasihk kayask ispi síhk íta óma ka-pimiciwák ottawa sípiy. washahikan óma kí-kístaniwan 1941 ka-askiwák, maka isa níwo-pipon okimawin atoskíwíkamik í-kí-tapítán óma míwaci ka-kí-notiníki.

óma mitoni-kwayask-washahikan íkota kihci-pítikwí-sápohtawan, mawaci ka-ispak othasiwíwin ka-withasiwí-piskíci-wíkamik ka-ayak, othasiwíwiniwak otatoskíwíkamikwa, íkwa mámawi-api-wíkamik, atoskíwíkamik óki opaminikíwi-atoskíthakának, ayamihcíkiwíkamik íkwa mína niso withasiwíwíkamikosa í-apacitat awa misiwí-okimawí-othasiwíwin kíhci kanatanak.

ka-kiniwápatamíkot óma othasiwíwinahk


óma mawaci ka-ispak othasiwíwinahk íyako óma isa nanatawí-kakwacikimotáhtowin ka-othasiwicik. kiniwápatamwak óhi píkiskwíwinan ka-ohci-pathiki piskihatastáhk íkwa kíwitinipiskihatastáhk othasiwíwi-kakwícihikimona íkwa óta ka-mámawataskinak othasiwíwinahk othasiwíwi-kakwícihikimona tahpítaw ayisinaw, mathitotamowin, ostísímáwothasiwíwin íkwa opaminikíwi-othasiwíwinihk. osam-pohko óhi píkiskwatamowina, ka-kwícihikimowina nanitóhtamwak othasiwíwinahk maka isa pohko nistam ta-pakitinikatiw ka-kwícihikimowin ta-pitikotacik. othasiwíwinahk ta-pakitinam píkiskwatamowin ta-pítikwímakahk (íyako ka-isihíkatik leave to appeal) kispin kakwícihikimowin ayisininak kihci-kikway kikipathin ahpó óma ka-kihci-nokotawin othasiwíwinihk ohci.



ka-api-naniwák óma othasiwíwinihk

óma mawaci ka-ispak withasiwíwíkamik ótí ottawa ka-ayayáhk. tahtwaw aski mana mitoni niktowasiko-mitátahtomitanaw kakwícihikimowina ta-nihtótacik, maka isa piyakwaw-mitátahtomítánaw pohko mana ka-nihtótkwaw. óki opíkiskwístamákiwák ta-kí-píkiskwíwak ohpimí ohci óma ka-apacitacik cikastípihiwin. íka nóhta niyánan óki withasiwíwiniwak pohko ta-nitótkwaw óma kakwícihikimowin. maka-isa típakohp ahpó kíká-mitátaht withasiwíwiniwak ka-api-cik mana kanitohtakwáw. owithasiwíwin óma ka-óthíthipathik áskwa mana tawípítamwak ispi óma ka-kísi-píkiskwíciw, maka óhi píkiskwíhona owithasiwíwin mana iskowaci pakitinikatiw óki owithasiwíwiniwak mitoni anima kwayask masinahamwak ka-itíthitakwáw. owithasiwíwina óma withasiwíwíkamik ka-ohci-pathik

mitoni pohko piyakwaw ítíthitamowin ahpó awasimi ahpítaw ta-itíthitakwáw, mína kisik óki pitos ka-itíthitakwáw ta-píkiskwatakwáw witháwaw íka mitoni ka-síhtoskakíciw. óhi othasiwíwina íkwa itíthitamowina óma withasiwíwíkamik ka-masinahikatiw íkwa mína ta-akotáwak masinahikan óta mámawi-natoniki-masinahikanipicikaník (internet site).



óma withasiwíwin nistwaw mana ka -api-naniwák tah-twaw-aski, ka-pipohk, ka-síkwhahk, íkwa ka-takwákihk. nanihtótamawíhona í-thótinikatiw ayisiniwak ohci. óma mana withasiwíwin ka-api-naniwák kí-ká-mitátaht mína áhpítaw tipahikan isko mitátaht-níso sap mína áhpítaw tipahikan óma ka-kíkispayahk íkwa mína kitwam niso tipahikan ohci isko níwo tipahikan, íka mana óma opaskowípísím, ohpahowípísím íkwa mína nóchitowípísím kikway nanitohtamwak.



ni-ta-wí-wápatamanin óma withasiwíwíkamik

óma ka-sakipakawí-písím piyak ka-akimit isko ohpahawípísím nisto-mitanaw piyakosap ká-akimit, óma mawaci-ka-ispak withasiwíwíkamik í-thótinikatiw kakithaw ayisiniwak ohci, ki-ka-mitátaht tipahikan ka-kíkispayak isko niyánan tipahikan tahto-kísikáw. óki withasiwíwin okiskinwahamátowakanak withawaw ka-kiskinohtáhihikíciw.

óma nóchitowípísím piyak ká-akimit isko athíkípísím nisto-mitanaw, ayisiniwak pohko ta-kí-pitikwíwak óma washahikaníhk ka-piyakokísikáhk isko ka-niyánokísikáhk kí-ká-mitátaht tipahikan ka-kíkispayak isko niyánan tipahikan íkwa ta-kwayatascikihín pohko óhi kiskinohtáhihikíwín. óki mámawinitow kiyokiwina ka-kí-kwayaskimohin óma sapo-askiwák . íkwa ta-kwayatastamakohín, siwípítamowík (613) 995-5361. íkwa kispin awasimís kí-nohtí-kiskithítín, masinahiwípita withasiwíwin mámawi-natóniki www.scc-csc.gc.ca.